

MIRROR 成員李駿傑 (Jeremy) 於最新派台作品《TOXIC!》挑戰高難度舞步，邀請粉絲及不少藝人大玩 dance challenge，最後一擊作出挑戰的藝人是蔡卓妍 (阿Sa)，為大家帶來不少驚喜，Jeremy 也覺得能與偶像阿Sa合作別具意義！



■ WinWin 有份參與 dance challenge。



■ 鄧小巧努力練習，令 Jeremy 非常感動。

廣邀藝人玩 Dance@Challenge

阿Sa 壓軸登場 Jeremy 嗌好正

今次《TOXIC!》dance challenge 參與的藝人眾多，除了 MIRROR 隊友邱士縉 (Stanley) 外，還有 ERROR 成員肥仔、COLLAR 成員楊安妮 (WinWin)、鄧小巧等，壓軸登場的更有阿Sa。Jeremy 道出邀請阿Sa參與的原因：「以前成日聽阿Sa同Twins嘅歌，所以今次透過熟人問阿Sa可唔可以一齊玩，佢好好，應承參與呢個challenge，能夠同偶像團體前輩玩呢件事係好有意思同好正！」

最想與郭富城合作

除了藝人外，不少粉絲也有參與 dance challenge，Jeremy 很感謝大家：「好多粉絲都有玩，但今次舞步係有啲難，因為特登編難啲，所以為咗 dance challenge 都準備咗簡單版、正常版、超難版畀大家揀。去到後尾同歌手朋友玩嘅時候再簡化啲，令到就算冇咁叻跳舞嘅人都可以一齊

玩，所以最終有四個版本。」

同期出歌的還有 Anson Lo，但今次二人未有互相參與 dance challenge，Jeremy 解釋：「我都有問佢諗住一齊玩，但一齊做嘅時，時間都一定好緊迫，冇乜時間去做呢件事，希望將來有時間玩到啦！」他更期待日後有機會跟郭富城一齊跳 dance challenge：「跳舞梗係要有郭富城啦！佢真係好出色嘅跳舞歌手。」

問到有何難忘回憶？他說：「最難忘係睇到吳林峰跳舞，同埋見到小巧好勤力去練習，因為我都知呢兩位係俾我逼去玩。我哋玩之前其實係《三俠四義音樂會》嘅綵排，錄影前一日先教佢哋，佢哋真係返屋企練咗一日，到第二日真係拍時已經做完，明明好叻但佢哋都跳得好，又用心。」



■ Jeremy 自小已視阿Sa為偶像。



城城帶「電燈膽」幫太太慶生



■ 城城獲讚全家顏值高。

郭富城與老婆方媛結婚後越見恩愛，城城於微博上載夫妻合照，慶祝太太方媛37歲生日，他留言：「親愛的老婆生日快樂！祝你工作順利，身體健康。」方媛亦分享與城城的慶生照，但原來他們不是二人世界，還有兩個可愛女兒陪伴，一家四口頭貼頭影相，幸福滿瀉，方媛留言：「生日晚餐有2個小調皮。」網民讚城城

「全家顏值在線」，又讚他與方媛有夫妻相，至於大女 Chantelle 越來越漂亮，獲讚是「媽媽的迷你版」。

婆婆分享追星故事 聽釗峰歌重新振作

梁釗峰日前到荃灣如心廣場宣傳新歌《致陪伴我的》，除了獻唱歌曲外，還親手為「峰心粉」（粉絲暱稱）沖咖啡及合照，期間釗峰留意到商場二樓的一位婆婆聽得非常投入，又不時揮手和派心，釗峰即邀婆婆上台。當婆婆近距離見釗峰時，激動得握着釗峰的手說：「《遺憾與遺憾的一切》已經好想見你，嗰陣嚟中環街市，

但係今次係第一次見到你。由C AllStar年代已經想做你Facebook會員，但我唔識搞，你好叻仔呀！」釗峰即攬實婆婆，全場拍手歡呼。

婆婆說：「喺我傷心嘅日子，你嘅歌陪我一齊行落去。我身邊都有情緒唔好嘅朋友，我會同佢分享我認識咗釗峰。」釗峰感觸說：「我都估唔到自己嘅歌可以陪伴到佢，莫名嘅感動。」



■ 王敏奕在劇中與黃宗澤結婚後遭綁架。

《法證VI》預約觀看人數破300萬

由優酷和TVB聯合製作的《法證先鋒VI倖存者的救贖》將於8月12日起在翡翠台首播，並於今日在優酷正式上線。截至昨午12時，優酷的預約觀看人數已衝破300萬，成為優酷

有史以來港劇預約第一位！承接《法證V》，主角黃宗澤與王敏奕有情人終成眷屬，並於女方讀書的地方大阪步入教堂。不過甜蜜背後原來驚現暗湧，新婚的王敏奕不幸被綁架失蹤，黃宗澤四出奔走尋妻，事件與戴「貓咪面具」的疑似殺手有關，懸疑度爆燈！